

Minzgingj Henzguek Caeuq Bouxcuengh Dangdieg Guhdoih Camnai Lauxsae

9 nyied 9 hauh, mwh yaek daengz ngoenz cieltauxsae, gyoengq minzgingj ndaw Gvangjsih Cungzcoj Benhging Gvanlij Cihdui Bingzsiengz Benhging Dadui caeuq bouxdaibyauj Bouxcuengh ndaw diegguenj de guhdoih, dawz doxgaiq camnai lumj va moq, lwgmak daengj daengz Bingzsiengz Si Bingzsiengz Cin Cunghsinh Siujyoz, camnai caemhcai angqhoh daengxcungq lauxsae aen hagdangz neix gvaq ngoenzciet.

(Cai Cwngh/蔡 铮)

► Minzgingj, bouxdaibyauj Bouxcuengh dangdieg caeuq lauxsae hab'ingj.



▲ Ndaw doz dwg aen yizsiz fat yaekseiz.

Sanhgyangh Banh Aen Yizsiz Gyau Ranzyouq Dacouhdauj

9 nyied 10 hauh, Sanhgyangh Duncuz Swciyen banh aen yizsiz gyau ranzyouq Dacouhdauj. Ngoenz de, doengh bouxdaeuz camgya aen yizsiz neix dangciengz fat "yaekseiz gim" hawj 8 bouxcawj ranzyouq, neix lwnh vunzlai daj ngoenz neix doxhwnj cingqsik gyau ranz lo, baenzneix hawj doenghboux senj dieg youq ndaej ikleih. Ciuq baih guh ranz lwnh, aen gunghcwngz ranzyouq Dacouhdauj gungh roengzcienz 5.37 ik maenz, gungh guh 86 doengh laeuz, ndaej youq 330 ranz vunz, ndawde miz 42 ranz dwg ranzungzhoh.

(Gungh Bujganh/龚普康)

Yungzanh: 90 Boux Bingmoq Ndaej Dangbing Miznaj Lai

9 nyied 10 hauh, Yungzanh Yen youq Yinzminz Vujcanghbu guh aen yizsiz 2020 nienz bingmoq haeuj bingdoih caeuq fat gaiqbaiz "aenranz miznaj". 90 boux vunz Yungzanh daenj buhging moq, dawz gwzming swhsiengj haeuj uk, ndaej vunzcaen angqhoh, heijdaeuz haeuj bingdoih gvaqngoenz lo. Ciuq camrox, daj bineix guh hong ciubing doxdaeuj, vunz aen yienh neix gaenxmaenx bauqmingz dangbing, ginggvaq bauqmingz, genjcaz, gaujhaed daengj lai mbaek genjleh, doeksat dingh hawj 90 bouxcoz ndaej dangbing.

(Veiz Yungzginh/韦荣军)



▲ Ndaw doz dwg gyoengq bingmoq cingq enjaek bae dangbing.

Gunghcwngz: Mbouj Soucienz Sonlien Dinfwngz Dajcawj



▲ Ndaw doz dwg sonlien vienhciengz.

9 nyied 10 hauh, Gunghcwngz Yauzcuz Swciyen youq Bingzanh Cin Gyaudzouz Cunh banh aenban sonlienh boudajcawj yiengh Cungguek 2020 nienz daihsam geiz. Neix dwg baez hengzdoengh Gunghcwngz gyaak gij dinfwngz cizyez ndawde aen hozdung "daengz lajmbanj soengq son'gyauq". Baez hozdung neix mboujdan mbouj soucienz sonhlien, bouxhag gaujsi ndaej gvaq liuxle lij miz gihvei ndaej mbawcingq ginaengz daengx guek doengyungh, baenzneix youq gyawj ranz couh ndaej cwngfuj hawj ikleih.

(Cwng Ciminj Cwng Yenzdauh/郑智敏 郑元涛)